



## **SU'AALAHHA BADANAA LAYS WAYDIIYO: CAYMISKA GUUD EE SHAQALE LA'AANTA**

**Asaaska Cabashada Bilawga ah:** Soo wac 1-877-214-3330 ama 1-888-807-7072, ama ku codso hab onlaayn ah [www.labor.vermont.gov](http://www.labor.vermont.gov)

**Buuxinta Cabashada Todobaadlaha ah:** Wac: 1-800-983-2300 (Khadka tooska (24 saac Axada, 5am-4:30pm M-F), onlaayn: [www.labor.vermont.gov](http://www.labor.vermont.gov)

**Miyaad raadinaysaa macluumaad dheeraada oo ku sahabsan caawimada Shaqo la'aanta ee xanuunkan? Booqo <https://labor.vermont.gov/PUA>**

---

### **KU HABOONAANSHAHA**

#### **Ma ku haboonahay kabka shaqo la'aanta?**

Shuruudaha ku haboonaanshaha kabka shaqaale la'aantu ayaa la fidiyay ka dib xanuunka COVID-19 oo ay ku jiraan meelahan soo socda:

- *Waxa aad ku haboonaan kartaa hadii shaqada laga joojiyo iyadoo ay ugu wacantahay:*
  - Shaqaalaysiiyahaagu in uu joojiyay shaqada sababo la xidhiidha xanuunka COVID-19
  - Maxsuulka ka soo baxay amar uu bixiyay Badhasaabka ama madaxwaynaha
  - Shaqaalaha ay haysato xayiraad/karantiil la xidhiidha xanuunka COVID-19
- *Waad ku haboonaan kartaa hadii aad uga tagtay shaqada iyadoo ay ugu wacantahay:*

- In aad xanuusatay ama lagu karantiilay xanuunka COVID-19 awgii
- Khatar aan laga baaqsan Karin oo kasoo baxday goobtaada shaqo
- Daryeelka qof ka mid ah qoyska oo xanuunsanaya ama la karantiilay iyadoo ay sababtay xanuunka COVID-19
- Daryeelka qof ka mid ah qoyska kaas oo uu haleelay khatar dhinaca goobta shaqada ah
- Baahi loo qabo in la daryeelo cunug yar kaas oo la xidhay goobtiisii daryeelka caruurta ama iskuulka

**Ka waran haduu I weydiiyo xirfadle caafimaad ama madaxda goobaha caafimaadka dadwaynaha inaan isku karantiilo COVID-19 awgii, lakin aanan xanuunsanayn?**

Waad ku haboonaan kartaa kabka shaqo la'aanta hadii aad buuxiso shuruudahan soo socda :

- Waxaad raacaysaa hagida xirfadle caafimaad ama madaxda caafimaadka dadwaynaha oo ah in aad isu karantiisho sababo la xidhiidha khatar xanuunka COVID-19
- Aanad helayn mushaharka fasaxa xanuunka ama noocyada kale oo aad kaga tagtay shaqaalaysiiyahaaga

**Ka waran hadii shaqaalaysiiyahaygu uu xidho, isaga oo ka hortag samaynaya ama sababtoo ah shaqaale ayaa xanuusanaya, shaqaalaha kalana la waydiyay in ay iskarantiilaan xanuunka COVID-19 awgiis.**

**Miyaan ku haboonahay kabka shaqo la'aanta?**

Hadii aanad ka helin mag dhaw shaqaalaysiiyahaaga, sida mushaharka fasaxa xanuunka, waxa aad ku haboonaan kartaa kabka shaqo la'aanta xiligan lagu gudo jiro.

**Hadii aan aad u xanuunsado oo laygu qasbo in aan shaqadayda uga tago sabab la xidhiidha xanuunka COVID-19, ma heli doonaa kabka shaqaale la'aanta?**

Haa. Shuruudaha ku haboonaanta ee kabka shaqo la'aanta waa la fidiyay iyada oo ay ku jiraan shaqsiyaadka kuwaas oo xanuusanaya ama karantiilaysan sabab la xidhiidha xanuunka COVID-19.

**Ka waran hadii aan u baahdo in aan ka tago shaqadayda si aan u daryeelo xubin ka tirsan qoyskayga oo uu haleelay xanuunka COVID-19?**

Hadii aad uga tagtay shaqada si aad u daryeesho xubin ka mid ah qoyskaaga, waxa laga yaabaa in aad ku haboontahay in aad hesho kabka shaqo la'aanta.

**Shaqaalaysiiyahaygu wuu xidhay sabab la xidhiidha xanuunka COVID-19, Miyaan ku haboonahay?**

Hadii shaqaalaysiiyahaagu u xidhay sabab la xidhiidha xanuunka COVID-19, waad ku haboon kartaa shaqo la'aanta joogtada ah ama Caawimada shaqo la'aanta ee xanuunkan (PUA).

**Shaqaalaysiiyahaygu wuxuu yareeyey saacadaha shaqada sabab la xidhiidha xanuunka COVID-19, miyaan ku haboonahay?**

Hadii shaqaalaysiiyahaagu dhimo saacadaha shaqada sabab la xidhiidha COVID-19, waad ku haboonaan kartaa kabka shaqo la'aanta.

**Ka waran hadii goobtayda shaqada la xidho lakin aan ka soo shaqaynayo gurigayga, ma ku haboonahay?**

Hadii goobtaada shaqo laga xidhay dadka, lakin aad ka soo shaqaynaso meel durugsan isla markaana mushaharkaagiina aanu isdhimin, kuma haboonid shaqo la'aanta.

**Shaqaalaysiiyahayga ayaa i waydiiyay in aan kusoo noqdo shaqada lakin ma dareemayo bad qab hadii aan soo noqdo. Ma samayn karaa in aanan iman goobta shaqada oo aan buux buuxiyo shaqaale la'aanta?**

Ku guul daraysashada in aad aqbasho shaqada marka aad awoodayso ee la heli karo waxaad ku waayi doontaa kabka shaqo la'aanta.

## **SU'AALO LA XIDHIIDHA CABASHO**

**Waxaan helay “ Qiimayn lacageed,” tani waa maxay maxaana looga jeedaa?**

Qiimayntaada lacagta waa la xisaabiyay iyadoo lagu salaynayo mushaharkaaga sadexdii bilood ee u dambeeyay. Qiimaynta lacagta ee aad heshay waa xadiga kabka gobolka oo kuma tusinayso wax dheeraad ah \$600 oo ah kabka heer fadaraal oo ay ku daray Xeerka CARES mooyaane. \$600 waxa ku heli doontaa nidaamka lacageed ee elektarooniga ama waraaq jeeg ah.

**Miyaan buuxinayaa cabasho cusub hadii aan buuxiyay shaqo la'aanta sanadkii hore oo aan shaqadana kusoo noqday?**

Hadii aad lahayd cabasho furan intii lagu guda jiray 12 bilood ee u dambeeyay, uma baahnid in aad dib usoo codsato. Dib ayaad u furi kartaa cabashadaada adiga oo dib u galaya qaybta online-ka ee cabashada ama soo wacaya khadka cabashada todobaadlaha ah. 1-800-983-2300 (automated line hours: 24 hours Sun, 5am-4:30pm M-F)

**Ka waran hadii cabashadaydu dhacdo?**

Hadii cabashaadu ay dhacdo, waxaad ku haboonan doontaa kabka la fidiyay taas oo ku siinaysa 13 todobaad oo dheeraad ah. Mashruuca kabka la fidiyay wali waa la horumarinayaa. Waaxda ayaa ku dhawaaqi doonta marku uu hawl galo.

**Waan ilaaway in aan xaraysto cabashadii todobaadlaha ahayd ee todobaadkii hore. Maxaan sameeyaa?**

Hadii aad ilawdo in aad soo gudbisoo cabashadaada todobaadlaha ah ee todobaadkii tagay, waxaad soo wici kartaa khadka buuxinta todobaadlaha ah 1-800-983-2300 ama gal qaybta Online ka ah oo

gudbiso cabashadaada todobaadka dambe. Waxaad kaliya gubsin kartaa hal todobaad oo hore maalintii. Waxaad heli ka heli doontaa fariin boga xaqiijinta kaas oo ku ogaysiin doona xiliga aad dib ugu soo laaban doonto qaybta cabashada si aad dib ugu gudbiso buuxin kale. Ka dib marka aad qabato, waxa aad u baahantahay in aad sii wado gudbinta cabashadaada todobaad kasta inta u dhaxaysa Axada iyo Jimcaha 4:00p.m.

**Cabashadaydu waxay leedahay waa laga garnaqayaa. Taa micnaheedu waa maxay?**

Cabashooyinka laga garnaqayaa waxay u baahanyihiin dib u eegis dheeraada oo ay sameyso Waaxdu si loo go'aamiyo ku haboonaanshaha. Kuwa ugu caansan waxa ku jira, guuldaraysiga in aad kasoo warbixiso mushaharkaaga hal maalin ama laba shaqood. (Tusaale. hadii aad shaqaysay Isniinta – Arbacad anaguna aan shaqada kaa joojinay Khamiista, Waxa aad u baahantahay in aad kasoo warbixiso mushaharka Isniinta – Arbacada). Qaybtu waxay ku soo ogaysiin doontaa marka ka garnaqidu dhamaato.

## **SU'AALAHHA LACAGBIXINTA**

### **Sababma ayaanan u helin kabka dhameyska tiran ee \$600?**

Markaad dhameystirtay codsigaaga koobaad, hadii aad dooratay in cashuurta laga saaro xadiga kabkaaga todobaadlaha, cashuurta waxa laga saari doonaa kabkaaga fadaraalka \$600 sidoo kale. Dhamaan kabku wuxuu ku xidhan yahay cashuurta gobolka iyo fadaraalka.

### **Intee inleeg ayay igu qaadanasaa in aan helo kabka?**

Waxaad heli kartaa kabka caymiska shaqo la'aanta 26 todobaad iyo kabka la fidiyay 13 todobaad.

### **Hadma ayaa lacag la siinayaa?**

Hadii aad soo gudbiso cabashadaada todobaadlaha ah si joogto ah oo aanad ku haysan cabashadaada wax cilad ah, waxaad rajayn kartaa in aad ku bixiso si todobaadle ah.

### **Waan gudbiyay codsigayga shaqo la'aanta walina wax lacag ah maan helin. Sabab?**

Ka dib marka aad gudbiso codsigaaga bilawga ah, waxa aad u baahantahay in aad sii wado in aad soo gudbiso cabashooyinka shaqo la'aanta todobaad kasta oo aanad shaqayn. Cabasho kasta oo todobaadle ahi waxay cadaynaysaa in aad bilaa camal tahay todobaadkii hore. Hadii aanad usoo gudbin cabashada todobaadlaha ah, nidaamku wuxuu malaynayaa in aad ku noqotay shaqada oo aad joojisay qaadashadii kabka

### **Waxaan codsaday codsigaygii shaqo la'aanta, waanan gudbiyay codsigayga todobaadlaha ah, walina wax lacag ah maan helin.**

#### **Sababma ayay sidaas u dhacday?**

Hadii aanad wali helin kabka shaqo la'aanta, oo ay ku jiraan \$1200 ee ah jeega lacag bixinta ka horeeya, cabashadaadu waa arrin u baahan in qaybta ay soo baadhaan baadhitaan dheeraad ah si ay u go'aamiyaan

ku haboonaanshaha. Tan waxa ugu wacan qaybta oo soo uririnaysa macluumaad gobol kale, arimo xooksi, iyo waxyaabo kale. Qaybtu waxay ku soo ogaysiin doontaa marka nidaamka ka garnaqistu uu dhamaado.

## **SU'AALAHA KALE EE CAYMISKA SHAQO LA'AANTA**

**Shaqada ayaan ku noqonayaa. Miyaan u baahanahay in aa qabto wax si aan u ogaysiiyo Waaxda Shaqaalaha?**

Hadii aad ku noqonayso shaqada, uma baahnid in aad ogaysiiso qaybta shaqaalaha wakhti xaadirkan. Waa in aad kaliya joojisaa uun in aad buuxiso cabashadaada todobaadlaha ah. Hadii aad gudbiso todobaad aad si buuxda u shaqaysay, taasi waa shaqo wax isdaba marin leh waana aad waayi doontaa kabka Hadii aad shaqayso oo aad qabato shaqo inta lagu gudo jiro todobaadka aad buuxinayso kabka UI, waa in aad soo diwaan galisaa mushaharka aad shaqaysaa.

**Cabashadayda waxa laga garnaqay mudo haatan laga joogo dhawr todobaad. Miyuu jiraa wakhti aan heli doono go'aanka?**

Hadii cabashadaada laga garnaqayo, waa laga garnaqi doonaa marka la helo.

**Sidee ayaan u badalaa PIN kayga?**

Hadii aad u baahantahay in aad badeshid PIN-kaaga , waxaad soo wici kartaa khadkayaga kaalmaynta 888-807-7072.

**Waxaan ahaaba bilaa camal ka hor COVID-19, wali miyaan dooni karaa shaqo?**

Maya. Dhamaan shuruudaha baadhitaanka waa la joojiyay sabab la xidhiidha COVID-19. Waaxda ayaa soo ogaysiin doontaa codsadayaasha marka shuruudaha baadhista shaqada dib loo sheego.

**Taariikhda noqoshadayda shaqada way dhaaftay, ma garanayo xiliga aan ku noqondoono, sideen u cusbooneysiin karaa?**

Wakhti xaadirkan, uma baahnid in aad cusbooneysiisid taariikhda aad kusoo noqonayso. Waaxda ayaa ku dhawaaqi doonta isbadal kasta oo nidaamkan ah.

### **Sababma ayaan u helayaa ‘SSN lama heli karo’ marka aan buuxinayo cabashadayda todobaadlaha ah?**

Waxay u eegtahay in aad waajahayso in aan SSN la heli Karin siyaabahan soo socda awgeed:

- Cabashadaada bilawga ah wali waxay ku jirtaa nidaamka. Waxay qaadan kartaa ilaa 72 saacadood laga soo bilaabo wakhtigii aad soo galisay ee la galiyay nidaamka.
- m Waxa aad isku dayaysaa in aad gudbiso cabasho xili hore ama xili dambe. Daaqada Cabashada todobaadlaha ah waxay bilaabmaysa Axad kasta ilaa Jimcaha 4:00p.m.
- Cabashadaada waa laga garnaqay. Hadii ay jirto arrin cabashadaada la xidhiidha, waxa loo calaamadin doonaa garsoore. Ilaa cabashadaada laga garnaqo, awood uma yeelandoontid in aad gasho qaybta Online-ka ah.